



Broj: S1 2 K 002587 11 K
(veza broj:X-K-09/719)
Sarajevo, 17.06.2011. godine

U I M E B O S N E I H E R C E G O V I N E

Sud Bosne i Hercegovine, sudija Huskić Amela, kao predsjednik pretresnog vijeća, te sudija Radević Gorana i Strika Mirsada, kao članova vijeća, uz sudjelovanje pravnog savjetnika-asistenta Gadžo Mirele, kao zapisničara, u krivičnom predmetu protiv optuženih Vorgić Josipa, Vorgić Tome, Marošević Damira, Ameti Mesura, Curkić Fahrete, Rahmanović Neska i Anđić Mate, zbog krivičnog djela Organizovani kriminal iz člana 250. stav 4. Krivičnog zakona Bosne i Hercegovine (KZ BiH), u vezi sa krivičnim djelom Krijumčarenje osoba iz člana 189. stav 1. KZ BiH, povodom optužnice Tužilaštva Bosne i Hercegovine, broj: KT-190/08 od 20.12.2010. godine, potvrđena dana 30.12.2011. godine, nakon održanog ročišta za izricanje krivično pravne sankcije na osnovu sporazuma o priznanju krivnje broj: KT-190/08, zaključenih između Tužilaštva BiH i optuženih, i to dana 25.03.2011. godine sa optuženim Vorgić Josipom i njegovim braniocem Aščerić Slavkom, dana 30.03.2011. godine sa optuženim Ameti Mesurom, njegovim braniocem Akagić-Bavčić Zumretom, i optuženom Curkić Fahretom, i njenim braniocem Abaz Fadilom, dana 20.04.2011. godine sa optuženim Vorgić Tomom, njegovim braniocem Kolić Kadrijom, optuženim Marošević Damirom, njegovim braniocem Marić Velimirom i optuženim Rahmanović Neskom i njegovim braniocem Pružan Mersudinom, te dana 07.04.2011. godine sa optuženim Anđić Matom i njegovim braniocem Pisarević Borislavom, u prisustvu tužiteljice Tužilaštva BiH, Gafić Jasmine, i njihovih branilaca Aščerić Slavka, Kolić Kadrije, Marić Velimira, Akagić-Bavčić Zumrete, Abaz Fadila i Aljić Ramiza, a u odsutnosti uredno obaviještenih optuženih, te branioca optuženog Anđić Mate, advokata Pisarević Borislava, donio je i javno objavio dana 17.06.2011. godine sljedeću:

P R E S U D U

Optuženi:

- VORGİĆ JOSIP zv. „Tulija“**, sin Perice, rođen 11.09.1981. godine u Bosanskom Šamcu, nastanjen u ..., općina —..., završena SSS, po zanimanju komercijalista, nezaposlen, oženjen, otac jednog mldb. djeteta, po nacionalnosti ..., državljanin ... i ..., JMBG: ..., **nalazi se u na slobodi**;
- VORGİĆ TOMO**, sin Perice i majke Mare, rođen 06.10.1972. godine u Domaljevcu, nastanjen u ..., ulica ..., općina —..., po zanimanju moler, nezaposlen, oženjen, otac troje mldb. djece, po nacionalnosti ..., državljanin ... i ..., JMBG ..., **nalazi se na slobodi**;
- MAROŠEVIĆ DAMIR zv. „Dama“**, sin Ive i majke Anke rođ. Jurkić, rođen 08.08.1978. godine u Doboju, nastanjen u ..., ulica ..., završena SSS, po zanimanju mašinbravar, zaposlenog u MD „Modeks“ Poslovni centar br. 2, neoženjen, po nacionalnosti ..., državljanin ... i ..., JMBG: ..., **nalazi se na slobodi**;

4. **AMETI MESUR zv. „Curi“**, sin Nedžada i majke Mesude rod. Huseini rođen 01.05.1966. godine u mjestu Čegrane (Makedonija), nastanjen u ..., ulica ..., završena SSS, po zanimanju mašinbravar, zaposlen u firmi „Ekspres izdelava ključee“, oženjen, otac četvero djece, po nacionalnosti ..., državljanin ..., JMBG: ..., **nalazi se na slobodi;**
5. **CURKIĆ FAHRETA**, kći Fadila i majke Fatime rod. Dulić, rođena 16.06.1987. godine u B.Luci, nastanjena u ..., ulica ..., završena osnovna škola, NK, vlasnica ugostiteljske radnje, živi u vanbračnoj zajednici, po nacionalnosti ..., državljanica ..., JMBG: ..., **nalazi se na slobodi;**
6. **RAHMANOVIĆ NESKO zv. „Čupo“** sin Esada i majke Fatime rod. Dulić, rođen 07.01.1972. godine u Orahovu općina Kotor Varoš, nastanjen u ..., ulica ..., opština ..., završena osnovna škola, NK, nezaposlen, živi u vanbračnoj zajednici, po nacionalnosti ..., državljanin ..., JMBG: ..., **nalazi se na slobodi;**
7. **ANĐIĆ MATE zv. „Mljata“**, sin Đure i majke Mande rod. Đurković, rođen 03.01.1949. godine u mjestu Domaljevac, stalno nastanjen u –..., po zanimanju građevinar, nezaposlen, oženjen, po nacionalnosti ..., državljanin ..., JMBG: ..., **nalazi se na slobodi;**

KRIVI SU

Što su:

U periodu od početka 2008. godine do 15.07.2009. godine, radi sticanja izravne finansijske koristi, zajedničkim djelovanjem te unaprijed dogovorenim i međusobno povezanim radnjama, tokom dužeg vremenskog perioda, organizovano se bavili nedozvoljenim prebacivanjem - krijumčarenjem drugih osoba, stranih državljana iz Albanije i sa Kosova na teritorij Republike Srbije, BiH, Republike Hrvatske i Republike Slovenije, a potom u zemlje Zapadne Evrope, što je **u suprotnosti sa članom 8. Zakona o nadzoru i kontroli prelaska državne granice, te članom 10. i 54. Zakona o kretanju i boravku stranaca i azilu i protivno Konvenciji UN protiv transnacionalnog organizovanog kriminala i protivno Protokolu protiv krujumčarenja migranata kopnom, morem, zrakom i za prevenciju i kažnjavanje trafikinga osoba, naročito žena i djece**, zbog čega su vršili niz pripremnih radnji u organiziranom krijumčarenju ilegalnih imigranata, njihovog transporta u BiH, ugovaranja primopredaje radi organiziranog ilegalnog prebacivanja u Republiku Sloveniju i dalje, a u što su, na različite načine uključili više osoba, koje su učestvovala u izdavanju garantnih i poslovnih pozivnih pisama, prihvatu i prevozu osoba, njihovom smještaju, kao i pripremi potrebne dokumentacije, nakon čega su organizirali slijedeće prevoze i primopredaju osoba na teritoriji BiH i Republike Hrvatske prema izvršenim kontrolama i dokazima:

MIRALEM i ADMIRA MUSTAFAGIĆ, MILORAD ZORANOVIĆ, DŽEVAD i SANELA HUSEINBAŠIĆ, OLGA POPOVIĆ, DARKO POPOVIĆ, JOSIP VORGIĆ, TOMO VORGIĆ, AMETI MESUR zvanii „Curi“, NESKO RAHMANOVIĆ i FAHRETA CURKIĆ

- 1) Dana **30./31.05.2009.** godine, nakon što je Xhelal Sulejmani putem telefona sa Miralemom Mustafagićem, koji je koristio nadzirani telefonski broj 0038766299623, dogovorio prihvati i nezakonito prebacivanje tri ilegalna imigranta albanske narodnosti, pa nakon postignutog dogovora, prema uputi Xhelala Sulejmanija, Nešić Radiša je angažovan da na nepoznatoj lokaciji u Beogradu da vrši preuzimanje ova tri ilegalna imigranta i dalje organizira njihov prevoz i transport do granice Republike Srbije sa BiH, tačnije - u neposrednu blizinu Bijeljine, gdje je, nastavljajući dalje dogovaranje oko preuzimanja i ilegalnog prebacivanja navedene grupe imigranata, Radiša stupio u kontakt sa Olgom, Goranom i Darkom Popovićem, koji tokom dana i noći sa 30./31.05.2009. godine vrše preuzimanje grupe ilegalnih migranta, a zatim ih u vremenskom intervalu od 02.00 sati do 04,00 sati ilegalno, čamcem i uz pomoć NN osobe, prevoze preko rijeke Drine na teritorij BiH, a potom ih pješice odvođe do zakazanog mjesta primopredaje na području Amajlija u blizini Bijeljine, gdje vozilima dolaze Miralem i Admira Mustafagić, Dževad i Sanela Huseinbašić, te jedna NN osoba, kada na dan 31.05.2009. godine, radi dogovora oko organiziranja ilegalnog prebacivanja Mustafagić Miralem kontaktirao **Milorada Zoranovića** zvanog „Pancir“ i najavio mu svoj dolazak u Bosanski Šamac kako bi se neposredno susreli i dogovorili dalju organizaciju primopredaje i prebacivanja tri ilegalna migranta u Republiku Hrvatsku, gdje je na mjesto-lokaciju zakazanog sastanka u ulici Vuka Karadžića broj 99 upućen opservacijski tim koji je po dolasku na zakazano mjesto zapazio pmv marke „Audi“ reg. broja 928-J-080 (Ameti Mesur) u kojem su se nalazile jedna muška i jedna ženska osoba koja je upravljala vozilom, da bi se pomenuti automobil nedugo nakon toga zaustavio ispred kuće Milorada Zoranovića na gore navedenoj adresi u 17,55 sati, kada su ispred kuće na navedenoj lokaciji zapažena i vozila „Peugeot 405“ reg. broja 638-M-117 i „Opel kadet“ bijele boje reg. broja 014-J-886, da bi zatim, u međuvremenu, Milorad Zoranović organizirao ilegalno prebacivanje opisane grupe ilegalnih imigranata preko rijeke Save u RH, u blizini Babine Grede, nakon čega ova grupa ilegalnih migranta nastavlja pješaćiti u pravcu autoceste Županja – Zagreb, dok su se, po prelasku državne granice, navedena vozila zaustavila na autocesti u pravcu Zagreba, u blizini Babine Grede gdje su i izvršila preuzimanje tri ilegalna migranta oko 04,00 sati, da bi nakon toga nastavili vožnju u pravcu Zagreba, da bi slijedeće noći, 01./02.06.2009. godine, Xhelal Sulejmani zvani "Džemo", Miralem Mustafagić, Admira Mustafagić, Dževad Huseinbašić, Sanela Huseinbašić, Milorad Zoranović zvani "Pancir", Tomo Vorgić, Josip Vorgić, **Ameti Mesur** zvani „Curi“, **Fahreta Curkić**, **Nesko Rahmanović** i Danijel Korošec, koristeći nadzirane telefonske brojeve, dogovorali preuzimanje i primopredaju grupe od tri ilegalna imigranta albanske nacionalnosti koji su bili smješteni u tzv. šteku na području Gradačca kada su Ameti Mesur zvani „Curi“ u svoje vozilo „Daewoo Nexia“, crvene boje reg. oznaka MBZ-4-38P i Nesko Rahmanović u svoje vozilo „Honda Civic“ reg. oznaka 032-J-723 preuzeli ova tri ilegalna imigranta, nakon čega su nastavili vožnju u pravcu Zagreba, kada su u 04,35 sati isti zapaženi u blizini odmorišta "Marsonija" u Slavonskom Brodu, da bi po ilegalnom prelasku državne granice između Hrvatske i Slovenije, od strane granične policije Slovenije bila uhapšena ova grupa ilegalnih imigranata, koju je vodio Danijel Korošec a sa njim su se nalazili upravo ovi ilegalni imigranti, i to **Velia Emirjon**, rođen 06.03.1984. godine, državljanin ..., PI broj ..., **Rinin Hasalliu**, rođen 06.04.1992. godine, državljanin ..., bez ličnih dokumenata i **Artur Karruli**, rođen 04.04.1992. godine,

državljanin ..., bez ličnih dokumenata, nakon čega je nad ovim osobama obavljena kriminalistička obrada.

MIRALEM i ADMIRA MUSTAFAGIĆ, MILORAD ZORANOVIĆ, DŽEVAD i SANELA HUSEINBAŠIĆ, SULEJMAN VEHABOVIĆ, DARKO POPOVIĆ, OLGA POPOVIĆ, JOSIP VORGIĆ, TOMO VORGIĆ, DAMIR MAROŠEVIĆ zvani „Dama“ i **MATE ANĐIĆ** zvani „Mljata“

- 2) Dana **05/06.06.2009.** godine, Xhelal Sulejmani zvani "Džemo" iz ... koordinirao je ilegalnim prebacivanjem četiri imigranta albanske narodnosti na teritoriji Republike Srbije kao i njihovom primopredajom Radiši Nešiću, koji je potom kontaktirao **Olgu, Gorana i Darku Popovića** sa ciljem ilegalnog prebacivanja grupe migranata na teritorij BiH dok Xhelal Sulejmani zv. "Džemo", istovremeno, koordinira i prihvatom osoba na teritorij BiH i to zajedno sa Miralemom Mustafagićem, pa nakon uspješnog prebacivanja grupe migranata čamcem preko rijeke Drine, Goran Popović i Darko Popović vrše prihvata migranata i pješice ih dovode do mjesta primopredaje u blizini Bijeljine dok Olga Popović, u isto vrijeme, ostvaruje komunikaciju sa **Miralemom Mustafagićem i Radišom Nešićem**, te nakon izvršenog prihvata osoba, Miralem Mustafagić organizira prijevoz, kada on zajedno sa **Admirom Mustafagić, Sulejmanom Vehabovićem, Dževadom i Sanelom Husinbašićem** vrše prevoz ilegalnih imigranata do mjesta Mionica u okolini Gradačca, koje smještaju na unaprijed pripremljeni i ranije korišteni tzv. „štek“, gdje je čuvanje ilegalnih migranata povjereno Saneli i Dževadu Huseinbašiću do nastavka ilegalnog prebacivanja u Republiku Hrvatsku, za koje su bili zaduženi **Josip Vorgić, Vorgić Tomo, Marošević Damir** zvani „Dama“ i **Anđić Mate** zvani „Mljata“ iz ..., gdje dogovoreni zadatak ova grupa obavlja vršeći prihvata, prevoz i ilegalno prebacivanje migranata preko državne granice Bosne i Hercegovine i to prevozeći ih preko rijeke Save na teritorij Republike Hrvatske, gdje su ih predali drugoj kriminalnoj grupi radi nastavka ilegalnog putovanja prema zemljama EU, kada su nakon izvršenog preuzimanja ilegalnih migranata, Josip Vorgić i Tomo Vorgić organizirali prevoz osoba od mjesta primopredaje, magistralnom cestom Šamac - Orašje, do mjesta Domaljevac, da bi dana 05.06.2009. godine, nakon dogovora sa Miralemom, **Milorad Zoranović** je sa nadziranog telefonskog broja, kontaktirao NN osobu radi dogovora o preuzimanju ilegalnih migranata i pozvao je da dođe kod njega kući, nakon čega je na navedenu lokaciju upućen opservacijski tim koji u vremenu od 21,30 do 22,00 sati ispred kuće Milorada Zoranovića uočio pmv marke „Ford Escort“ reg. oznaka 723-M-729, da bi daljim nadziranjem telefonskih kontakata između Milorada Zoranovića i Miralema Mustafagića zabilježeni dogovori ilegalnog prebacivanja migranata za datum 06.06.2009 godine, kada je nakon pomenutih dogovora o preuzimanju ilegalnih migranata, Milorad Zoranović i krenuo na mjesto preuzimanja tih stranih državljana i to nakon što je prethodno angažovao dva vozača, dok su na navedene lokacije u Bosanskom Šamcu upućeni i opservacijski timovi koji su zapazili putnička vozila „Opel kadet“ bijele boje, reg. broja 014-J-886 i „Ford Escort“ crne boje, reg. broja 723-M-729, a koji vozači ovih vozila su prethodno zapaženi u 21,15 sati kako se zaustavljaju pred kućom Milorada Zoranovića, te kako zatim i ulaze u kuću, da bi nakon izvršenog prihvata osoba, Miralem Mustafagić zajedno sa Admirom Mustafagić, Sulejmanom Vehabovićem, Dževadom i Sanelom Huseinbašić organizirao i prevezao ilegalne migrante do mjesta Mionica u okolini

Gradačca, koje smještaju na unaprijed pripremljeni i ranije korišteni tzv. „štek“, čije čuvanje je povjereno **Saneli i Dževadu Huseinbašiću**, do nastavka ilegalnog prebacivanja migranata u Republiku Hrvatsku.

MIRALEM i ADMIRA MUSTAFAGIĆ, MILORAD ZORANOVIĆ, DŽEVAD i SANELA HUSEINBAŠIĆ, OLGA POPOVIĆ, DARKO POPOVIĆ, JOSIP VORGIĆ, TOMO VORGIĆ, DAMIR MAROŠEVIĆ i MATO ANĐIĆ - zajedno

- 3) Dana **12/13.07.2009.** godine u noćnim satima, kao članovi organizirane grupe za krijumčarenje osoba u dogovoru sa Miloradom Zoranovićem zv. "Pancir", koji se prethodno povezo sa kriminalnom grupom predvođenom od strane Miralema Mustafagića iz Mionice, a prema ranije postignutom dogovoru sa Xhelal Sulejmanijem zv. "Džemo" iz ..., **Miralem Mustafagić** je sa svojom organiziranom grupom, iz prostora u koji smještaju ilegalne migrante - tzv. „šteka“ u Mionici, općina Gradačac, prevezao tri ilegalna migranta albanske narodnosti sve do mjesta primopredaje, koje je zatim na granici (općina Bosanski Šamac i Domaljevac) u blizini lokaliteta Grebnica ove predao **organiziranoj grupi Milorada Zoranovića** zv. „Pancir“, a koju su činili: **Josip Vorgić, Tomo Vorgić, Damir Marošević zvan „Dama“ i Mato Anđić zvan „Mljata“** iz ..., kada dogovoreni zadatak sa Miloradom Zoranovićem ova grupa obavlja vršenjem prihvata, prevoza i ilegalnog prebacivanja migranata preko državne granice BiH, prevozom preko rijeke Save na teritorij R. Hrvatske gdje su ih predali drugoj kriminalnoj grupi radi nastavka daljeg ilegalnog putovanja prema zemljama EU, kada su nakon izvršenog preuzimanja ilegalnih migranata, Josip Vorgić i Tomo Vorgić organizirali prevoz osoba od mjesta primopredaje, magistralnom cestom Šamac - Orašje, do mjesta Domaljevac, a nakon toga su kretanje nastavili starom makadamskom cestom u pravcu starog skelskog graničnog prelaza "Domaljevac" preko rijeke Save, a sam prevoz ilegalnih migranata ovim dijelom ceste izvršio je Josip Vorgić upravljajući vozilom marke "Kadet", reg. oznaka 014 J 886, da bi u blizini vikendice ilegalne migrante prihvatili Mate Anđić zv. „Mljata“ i Damir Marošević zvan „Dama“ koji su imali ulogu i u prethodnoj pripremi ilegalnog prebacivanja u smislu osiguranja čamca i prostora vikendice kao i okoline, tzv. „čišćenje prostora“, kada je nakon obavljenih priprema, tokom iste večeri 12.07.2009. godine Mato Anđić svojim čamcem izvršio prevoz tri ilegalna migranta zajedno sa Josipom Vorgićem preko rijeke Save, te po pristajanju čamca na obalu koja čini dio teritorija RH, Josip Vorgić izašao iz čamca sa ilegalnim migrantima odakle su dalji put nastavili pješice krećući se u pravcu autoceste Županja-Zagreb sve do mjesta zakazanog za predaju stranih državljana organiziranoj skupini iz R.Slovenije, za koje vrijeme je Damir Marošević zvan "Dama" preuzeo od Josipa Vorgića vozilo marke "Kadet" reg. broj 014 J 886 koje je, prema dogovoru, vratio u Domaljevac istom cestom, a Josip Vorgić tokom pješaćenja sa migrantima postupao prema uputama Zoranović Milorada i to nakon njegovog dogovora sa Miralemom Mustafagićem a ovaj dalje sa Xhelalom Sulejmanijem, koji je opet bio u vezi sa organizatorom krijumčarenja iz Republike Slovenije Danijelom Borjnićem zv."Buco", da bi u toku dana 12.07.2009. godine, radi realizacije dogovora primopredaje ilegalnih migranta, Miralem Mustafagić prema dogovoru sa Xhelal Sulejmanijem zvanim „Džemo“ otišao u RH i istog dana oko 22,50 sati na MGP Orašje izašao iz BiH kada je i kontrolirano putničko motorno vozilo marke "Mercedes", reg. oznaka 939 J 281, u kojem su kao putnici zatečeni Miralem Mustafagić, **Admira Mustafagić, Dževad i Sanela Huseinbašić**, koji su nakon prelaska državne granice, došli do benzinske pumpe "Rastovica" u Županji

gdje su se tokom noći sastali sa NN osobom iz Slovenije koja je upravljala putničkim motornim vozilom marke „BMW“ reg. oznaka LJ 28-0 KS i koji je tokom noći prema uputi Danijela Borjanića zv. „Bucu“ trebao preuzeti ilegalne migrante, što se i desilo u 04,20 časova na izlazu sa autoceste iz Županje, kod saobraćajnog znaka “isključenje 1000 metara“ gdje ih je ostavio vodič Josip Vorgić, od strane vozača vozila „BMW“ reg. oznaka LJ 28-0 KS i vozila „Fiat“ reg.oznaka LJ 748 ZA, čiji su vozači zajedno sa ilegalnim migrantima uhapšeni u neposrednoj blizini državne granice između R. Hrvatske i R. Slovenije od strane policijskih službenika policije RH,

MIRALEM i ADMIRA MUSTAFAGIĆ, DŽEVAD i SANELA HUSEINBAŠIĆ, MILORAD ZORANOVIĆ, OLGA POPOVIĆ, DARKO POPOVIĆ, SULEJMAN VEHAHOVIĆ i DŽEVAD HUSEINBAŠIĆ, TOMO VORGIĆ, JOSIP VORGIĆ, MATO ANĐIĆ i DAMIR MAROŠEVIĆ - zajedno

4. U periodu od **05.07.2009.** godine, pa sve **do 13.07.2009.** godine, učestvovali u organizovanju ilegalnog prebacivanja tri ilegalna migranta ... nacionalnosti (i to: Estref Talelli, rođen 20.02.1976. godine, Vilson Haxhiu, rođen 04.08.1993. godine, Beldar Kazazi, rođen 18.02.1992. godine) iz R.Srbije u BiH i dalje prema zemljama EU i to tako što su se prethodno dogovorili Xhelal Sulejmani zv. "Džemo", Miralem Mustafagić i Nešić Radiša (Xhelal Sulejmani koji je koristio telefonski broj 381654189799, te ostvarivao komunikaciju sa Miralemom na broj 38766881291 na dane: 05.,08.,10., 11., i 12.07.2009.), a Radiša Nešić je ostvarivao komunikaciju sa Miralemom (Nešić je koristio telefonski broj 381654341267 uspostavljeni kontakti dana 05., 06., 07., 08., 09., 10., 11., i 12.07.2009. godine), koja komunikacija se odnosila na razgovore o organizaciji ilegalnog prevođenja imigranta preko državnih granica Srbije, BiH, Hrvatske te dalje ka zemljama EU, odnosno na konkretne dogovore oko predaje tri ilegalna migranta organiziranoj skupini Miralema Mustafagića i koji su tokom noći ilegalno prevezeni čamcem preko rijeke Drine iz R. Srbije u BiH dana 05/06.07.2009 godine, a u organizaciji njihovog ilegalnog prebacivanja sudjelovali su i **Olga**, Goran te **Darko Popović**, koji su na taj način učestvovali u pripremi i realizaciji prihvata, ilegalnog prebacivanja i predaje pomenuta tri ilegalna migranta grupi Miralema Mustafagića u blizini Bijeljine, kojom prilikom su u prevozu od Bijeljine do Brčkog i smještaju u tzv.“ štek“ učestvovali **Miralem Mustafagić, Admira Mustafagić, Sanela Huseinbašić, Dževad Huseinbašić i Sulejman Vehabović**, nakon čega je **Milorad Zoranović** zv. „Pancir“ za dan 12./13.07.2009. godine organizirao kriminalnu grupu za ilegalno prebacivanje tri spomenuta imigranata preko državne granice između BiH i R. Hrvatske, a koju grupu su sačinjavali **Tomo Vorgić i Josip Vorgić** koji su opet angažirali **Matu Anđića** zv. „Mljata“ i **Damira Maroševića** zv. „Dama“ za prevoz migranata čamcem preko rijeke Save.

Dakle:

Vorgić Josip pod tačkama 1., 2., 3. i 4., **Vorgić Tomo** pod tačkama 1., 2., 3. i 4., **Marošević Damir** pod tačkama 2., 3. i 4., **Ameti Mesur, Curkić Fahreta i Rahmanović**

Nesko pod tačkom 1., te **Anđić Mate** pod tačkama 2., 3. i 4. izreke ove Presude u svrhu sticanja protupravne imovinske koristi postali pripadnicima zločinačke organizacije koja je zajedničkim djelovanjem učinila ili pokušala učiniti krivično djelo propisano Zakonom BiH, prevodeći iz koristoljublja preko državne granice lica koja ne ispunjavaju uslove za zakoniti ulazak preko državne granice, odnosno omogućili drugima nedozvoljen prelazak preko državne granice;

Čime su:

Vorgić Josip pod tačkama 1., 2., 3. i 4., **Vorgić Tomo** pod tačkama 1., 2., 3. i 4., **Marošević Damir** pod tačkama 2., 3. i 4., **Ameti Mesur**, **Curkić Fahreta** i **Rahmanović Nesko** pod tačkom 1., te **Anđić Mate** pod tačkama 2., 3. i 4. izreke ove Presude počinili krivično djelo **Organiziranog kriminala iz člana 250. stav 4. u vezi sa krivičnim djelom Krijumčaranje osoba iz člana 189. KZ-a BiH.**

Pa Sud, optuženog Vorgić Josipa i Marošević Damira, na osnovu primjene navedenih zakonskih propisa uz primjenu odredbi iz člana 39, 42., 48. tačka b) i člana 50. stav 1. tačka d) Krivičnog zakona Bosne i Hercegovine

OSUĐUJE NA KAZNU ZATVORA U TRAJANJU OD PO 3 (TRI) MJESECA

Na osnovu odredbi člana 74. KZ BiH, od optuženog Vorgić Josipa oduzimaju se predmeti taksativno pobrojani u Potvrdi o privremenom oduzimanju predmeta broj: 17-12-4-36-36/09 od 15.07.2009.godine, a od optuženog Marošević Damira oduzimaju se predmeti taksativno pobrojani u Potvrdi o privremenom oduzimanju predmeta broj: 18-12-4-38-38/09-od 15.07.2009.godine, kao predmeti koji su upotrijebljeni za učinjenje krivičnog djela.

Nasuprot tome, **optuženim Vorgić Tomi, Ameti Mesuru, Curkić Fahreti, Rahmanović Nasku i Anđić Mati**, Sud primjenom navedenih zakonskih propisa, uz primjenu odredbi iz člana 58. i 59., u vezi sa članovima 39, 42., 48., 49. i 50. stav 1. tačka d) Krivičnog zakona Bosne i Hercegovine izriče:

UVJETNU OSUDU

Kojom se optuženom **Vorgić Tomi** za počinjenje krivično pravnih radnji iz tačke 1., 2., 3. i 4. izreke ove Presude utvrđuje kazna zatvora u trajanju od 8 (osam) mjeseci, **Ameti Mesuru** za počinjenje krivično pravne radnje pod tačkom 1. izreke Presude utvrđuje kazna zatvora u trajanju od 8 (osam) mjeseci, **Curkić Fahreti** za počinjenje krivično pravne radnje pod tačkom 1. izreke Presude utvrđuje kazna zatvora u trajanju od 6 (šest) mjeseci, **Rahmanović Nasku** za počinjenje krivično pravne radnje pod tačkom 1. izreke Presude utvrđuje kazna zatvora u trajanju od 8 (osam) mjeseci i **Anđić Mati** za počinjenje krivično pravnih radnji pod tačkama 2., 3. i 4. izreke Presude utvrđuje kazna zatvora u trajanju od 8

(osam) mjeseci i istovremeno određuje da se ove kazne neće izvršiti, ako optuženi u roku od 3 (tri) godine od dana pravomoćnosti presude ne počine novo krivično djelo.

Na osnovu odredbi člana 74. KZ BiH, Sud optuženima izriče sigurnosnu mjeru ODUZIMANJA PREDMETA, pa se od optuženih imaju oduzeti predmeti taksativno pobrojani u potvrdama o privremenom oduzimanju predmeta, i to Ameti Mesuru prema Potvrdi o privremenom oduzimanju predmeta broj: 05-1/08-2-185/09 od 28.12.2009.godine, Curkić Fahreti prema Potvrdi o privremenom oduzimanju predmeta broj: 05-1/08-2-186/09 od 28.12.2009.godine, Rahmanović Naski prema Potvrdi o privremenom oduzimanju predmeta broj: 18-08-02-4-23/09 od 28.12.2009.godine i Andić Mati prema Potvrdi o privremenom oduzimanju predmeta broj: 18-12-4-37-37/09 od 15.07.2009.godine, kao predmeti koji su upotrijebljeni prilikom učinjenja krivičnog djela.

Na osnovu odredbi člana 188. stav 1. ZKP BiH, optuženi se obavezuju na naknadu troškova krivičnog postupka u iznosu od po 100,00 KM (stotinu konvertibilnih maraka), utvrđenih paušalno, koje troškove su optuženi dužni naknaditi u roku od 15 (petnaest) dana od dana pravomoćnosti presude, sve pod prijetnjom prinudnog izvršenja.

O b r a z l o ž e n j e

Tužilaštvo Bosne i Hercegovine je optužnicom broj: KT-190/08 od 20.12.2010. godine, potvrđena dana 30.12.2011. godine, optužilo Vorgić Josipa, Vorgić Tomu, Marošević Damira, Ameti Mesura, Curkić Fahretu, Rahmanović Neska i Andić Matu, za počinjenje krivičnog djela Organizovani kriminal iz člana 250. stav 4. KZ BiH, u vezi sa krivičnim djelom Krijumčarenje osoba iz člana 189. stav 1. KZ BiH.

Optuženi su zaključili sporazume o priznanju krivnje broj: KT-190/08, i to optuženi Vorgić Josip dana 25.03.2011. godine, optuženi Ameti Mesur i Curkić Fahreta dana 30.03.2011. godine, optuženi Andić Mate dana 07.04.2011. godine i optuženi Vorgić Tomo, Marošević Damir i Rahmanović Nasko dana 20.04.2011. godine, kojim sporazumima su priznali krivnju za krivično djelo Organizovani kriminal iz člana 250. stav 4. KZ BiH, u vezi sa krivičnim djelom Krijumčarenje osoba iz člana 189. stav 1. KZ BiH, a po naprijed označenoj Optužnici Tužilaštva BiH.

Sud je, u skladu sa članom 231. ZKP BiH, razmotrio zaključene sporazume o priznanju krivnje, kojim su optuženi priznali krivnju za navedeno krivično djelo.

U zaključenim sporazumima je predloženo da se optuženima Vorgić Josipu, Vorgić Tomi, Marošević Damiru, Ameti Mesuru, Curkić Fahretu, Rahmanović Nesku i Andić Mati za počinjeno krivično djelo izreknu sljedeće krivično-pravne sankcije: za optužene Vorgić Josipa i Marošević Damira kazna zatvora u trajanju od po 3 (tri) mjeseca, dok je za optužene Vorgić Tomu, Ameti Mesura, Curkić Fahretu, Rahmanović Naska i Andić Matu predloženo izricanje uvjetne osude, sa rokom provjere od 3 (tri) godine, te sa zapriječenom kaznom zatvora za Vorgić Tomu, Ameti Mesura, Rahmanović Naska i Andić Matu u trajanju od po 8 (osam) mjeseci, a Curkić Fahreti u trajanju od 6 (šest) mjeseci.

Optuženi su upoznati da mogu snositi troškove koji su proizašli iz ovog krivičnog postupka, u iznosu koji utvrdi Sud.

Sud je u skladu sa članom 231. Zakona o krivičnom postupku BiH saslušao optužene na okolnosti iz stava 4. citiranog člana zakona, te je prihvatio navedene sporazume o uvjetima priznanja krivnje optuženih, s obzirom da je utvrđeno da postoji dovoljno dokaza da su optuženi počinili krivično djelo koje im se stavlja na teret, utvrdivši da je do sporazuma o uvjetima priznanja krivnje optuženih došlo dobrovoljno, svjesno i sa razumijevanjem optuženih, te nakon upoznavanja optuženih o mogućim posljedicama, uključujući i posljedice vezane za oduzimanje predmeta i troškove krivičnog postupka, kao i predložene krivično-pravne sankcije.

Sud je nakon uvida u krivični spis utvrdio da postoji dovoljno dokaza o krivnji optuženih, i to na osnovu priznanja optuženih i dokaza koje je Tužilaštvo BiH predočilo Sudu: Predmete iz izvršenja krivičnog djela (mobilni telefoni, SIM kartice, oružje, radio stanica, dvogled, hard disk, računari, ugovori i dr. ispisani papiri i sveske), Zapisnik o ispitivanju osumnjičenog Mustafagić Miralema KT-190/08 od 16.07.2009. godine i od 12.10.2009.godine; Zapisnik o ispitivanju osumnjičenog Zoranović Milorada broj: KT-190/08 od 16.07.2009. godine i od 15.10.2009.godine; Zapisnik o ispitivanju osumnjičenog Huseinbašić Dževada broj: KT-190/08 od 16.07.2009. godine i od 12.10.2009.godine; Zapisnik o ispitivanju osumnjičene Popović Olge broj: KT-190/08 od 15.07.2009. godine i 15.10.2009.godine i broj: 18-08-02-04-566-65/09 od 15.07.2009.godine; Zapisnik o ispitivanju osumnjičenog Popović Darka broj: KT-190/08 od 15.07.2009. godine i 12.10.2009.godine i broj: 18-08-02-04-566-66/09 od 15.07.2009.godine; Zapisnik o ispitivanju osumnjičene Mustafagić Admire broj: 18-08-02-04-566-72/09 od 15.07.2009.godine; Zapisnik o ispitivanju osumnjičene Huseinbašić Sanele, broj:18-08-2-04-566-71/09 od 15.07.2009. godine; Zapisnik o ispitivanju osumnjičenog Vorgić Josipa broj: KT-190/08 od 15.07.2009. godine i 13.10.2009.godine i broj: 18-08-02-04-566-74/09 od 15.07.2009.godine; Zapisnik o ispitivanju osumnjičenog Vorgić Tome broj: KT-190/08 od 15.07.2009. godine i 13.10.2009.godine i broj: 18-08-02-04-566-75/09 od 15.07.2009.godine; Zapisnik o ispitivanju osumnjičenog Marošević Damira broj: KT-190/08 od 16.07.2009. godine i broj: 18-08-02-04-566-75/09 od 15.07.2009.godine; Zapisnik o ispitivanju osumnjičenog Vehabović Sulejmana broj: 18-08-02-04-566-73/09 od 15.07.2009.godine i broj: KT-190/08 od 16.10.2009.godine; Zapisnik o ispitivanju osumnjičenog Anđić Mate broj: 18-08-02-04-566-67/09 od 15.07.2009.godine; Zapisnik o ispitivanju osumnjičenog Ameti Mesura zv. „Curi broj: 18-08-2-04-103/09 od 29.12.2009. godine; Zapisnik o ispitivanju osumnjičene Curkić Fahrete broj: 18-08-2-04-104/09 od 29.12.2009. godine; Zapisnik o ispitivanju osumnjičenog Rahmanović Neska broj: 18-08-2-04-101/09 o 28.12.2009. godine; Zapisnik o ispitivanju osumnjičenog Mešanović Emira broj: 11-10/02-230-82/08 od 31.03.2008.godine; Zapisnik o ispitivanju osumnjičenog Deliomerović Admira broj: 17-15/1-4-PO-04-1-35/07 od 22.09.2009.godine; Zapisnik o ispitivanju osumnjičenog Selimović Semira broj: 17-15/1-4-PO-04-1-35/07 od 22.09.2009.godine; Zapisnik o saslušanju svjedokinje Valobone Kapllanay, broj: 11-10/02-230-82/08 od 31.03.2008. godine ; Zapisnik o saslušanju svjedoka Arbena Nacaja broj: 11-10/02-230-82/08 od 31.03.2008. godine; Zapisnik o saslušanju svjedoka Sameta Šabanija broj: 11-10/02-230-82/08 od 31.03.2008. godine; Zapisnik o saslušanju svjedoka Neriona Fejzullarija broj: 11-10/02-230-82/08 od 01.04.2008. godine; Zapisnik o saslušanju svjedoka Ergis Rame broj: 11-10/02-230-82/08 od 31.03.2008. godine; Zapisnik o saslušanju svjedoka Nertila Lleshija broj: 11-10/02-230-82/08 od 31.03.2008. godine; Zapisnik o saslušanju svjedoka Saladina Muja broj: 11-10/02-230-82/08 od 01.04.2009. godine; Zapisnik o saslušanju svjedoka Sajmira Skura broj: 11-10/02-230-82/08 od

01.04.2008. godine; Zapisnik o saslušanju svjedoka Rahmana Maličaja broj: 11-10/02-230-82/08 od 01.04.2008. godine; Zapisnik o saslušanju svjedoka Artura Ndoua broj: 11-10/02-230-82/08 od 01.04.2008. godine; Zapisnik o saslušanju svjedoka Fatosha Shaba broj: 11-10/02-230-82/08 od 01.04.2008. godine; Zapisnik o saslušanju svjedoka Thana Besnika broj: 11-10/02-230-82/08 od 01.04.2008. godine; Službena zabilješka Granične policije BiH, Postrojba za nadzor i osmatranje Suhodol, broj: 18-08-5-04-68/28 od 13.06.2009. godine; Službena zabilješka Granične policije, Centralna istražna kancelarija-Jedinica za nadzor i osmatranje Sarajevo-Suhodol, broj: 18-08-5-04-68/23 od 01.06.2009. godine; Službena zabilješka Granične policije, Centralna istražna kancelarija – Jedinica za nadzor i osmatranje Sarajevo-Suhodol, broj: 18-08-5-04-68/25 od 02.06.2009. godine; Službena zabilješka Granične policije, Centralna istražna kancelarija – Jedinica za nadzor i osmatranje, broj: 18-08-5-04-68/27 od 06.06.2009. godine; Službena zabilješka Granične policije, Centralna istražna kancelarija – Jedinica za nadzor i osmatranje sarajevo-Suhodol, broj: 18-08-5-04-68/26 od 06.06.2009. godine; Službena zabilješka Granične policije, Centralne istražne kancelarije, broj: 18-08-4-21/09 od 07.06.2009. godine; Službena zabilješka Granične policije, Centralni istražni ured – Postrojba za nadzor i osmatranje, broj: 18-08-5-04-68/29 od 19.06.2009. godine; Službena zabilješka Granične policije, Centralna istražna kancelarija – Jedinica za nadzor i osmatranje, broj: 18-08-5-68/09 od 07.07.2009. godine; Službena zabilješka Granične policije – Centralnog istražnog ureda, broj: 18-08-4-25/09 od 13.07.2009. godine; Službena zabilješka Granične policije BiH – Centralni istražni ured, broj: 18-08-2-04-566-SZ-70/09 od 22.10.2009. godine; Službena zabilješka Granične policije BiH, Terenski ured Sjeveroistok – Jedinica Orašje, broj: 18-12-4-04-68/596 od 02.06.2009. godine; Službena zabilješka Ministarstva unutrašnjih poslova Republike Hrvatske, Policijska uprava Vukovarsko-Srijemske – Odjel kriminalističke policije od 02.06.2009. godine; Službena zabilješka Granične policije, Centralna istražna kancelarija – Jedinica za nadzor i osmatranje, broj: 18-08-5-68/09 od 07.07.2009. godine; Izveštaj o izvršenoj analizi mobilnih telefonskih aparata i SIM kartica privremeno oduzetih od Fahrete Curkić, Mesura Ahmetija te Neska Rahmanovića, broj: 18-08-1-FT-3/10 od 04.02.2010. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/02-230-46/08 od 02.04.2008. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/01-476/08 od 31.03.2008. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/01-477/08 od 01.04.2008. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/02-45/08 od 01.04.2008. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/02-44/08 od 01.04.2008. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/02-43/08 od 01.04.2008. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/02-42/08 od 31.03.2008. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/02-41/08 od 31.03.2008. godine; Službena zabilješka Ministarstva unutrašnjih poslova, Centra javne bezbjednosti Doboj – PS Pelagićevo, broj: 11-10/02-40/08 od 30.03.2008. godine; Ovjerene fco putnih isprava albanskih državljana – prevođenih ilegalnih migranata; Fotodokumentacija Granične policije – Centralnog istražnog ureda, broj: 18-08-2-04-566/09 od 16.07.2009.godine, sa dva DVD-a video zapisa i tri službene zabilješke, Izvod iz evidencije o prelasku državne granice, broj: 18-12-1-04-7-1021/09 od 12.08.2009. godine; Analiza i objašnjenje grafičkog prikaza veza telefonskih brojeva korisnika za događaje koji se odnose na vremenski period od 05.04. do 08.04.2009. godine; Analiza i objašnjenje grafičkog prikaza veza telefonskih kontakata za brojeve

telefona koji se odnose na prebacivanje ilegalnih imigranata u vremenskom periodu od 09. do 15. aprila 2009. godine; Analiza i objašnjenje grafičkog prikaza veza telefonskih brojeva korisnika za događaje koji se odnose na vremenski period od 25.04. do 30.04.2009. godine; Analiza i objašnjenje telefonskih listinga za vremenski period od 28.04. do 01.05.2009. godine; Analiza i objašnjenje telefonskih listinga koji se odnose na vremenski period od 01.05. do 06.05.2009. godine; Analiza i objašnjenje telefonskih listinga koji se odnose na vremenski period od 08.05. do 19.05.2009. godine; Izvještaj Granične policije BiH o izvršenoj analizi mobilnih telefonskih aparata i SIM kartica broj: 18-08-4-FT-12/09 od 15.09.2009; Analiza i objašnjenje Grafičkog prikaza veza telefonskih kontakata za vremenski period od 21.05. do 28.05.2009. godine sa prilogom Grafikona, audio zapisa, transkripata te pratećeg DVD-a sa navednim sadržajem u elektronskom formatu; Analiza i objašnjenje Grafičkog prikaza veza telefonskih kontakata za vremenski period od 29.05. do 08.06.2009. godine sa prilogom Grafikona, audio zapisa, transkripata audio zapisa te pratećeg DVD-a sa navednim sadržajem u elektronskom formatu; Analiza i objašnjenje Grafičkog prikaza veza telefonskih kontakata za vremenski period od 05.06. do 09.06.2009. godine sa prilogom Grafikona, audio zapisa, transkripata audio zapisa te pratećeg DVD-a sa navednim sadržajem u elektronskom formatu; Analiza i objašnjenje Grafičkog prikaza veza telefonskih kontakata za vremenski period od 09.06. do 18.06.2009. godine sa prilogom Grafikona, audio zapisa, transkripata audio zapisa te pratećeg DVD-a sa navednim sadržajem u elektronskom formatu; Analiza i objašnjenje Grafičkog prikaza veza telefonskih kontakata za vremenski period od 19.06. do 02.07.2009. godine sa prilogom Grafikona, audio zapisa, transkripata audio zapisa te pratećeg DVD-a sa navednim sadržajem u elektronskom formatu; Analiza i objašnjenje Grafičkog prikaza veza telefonskih kontakata za vremenski period od 04.07. do 14.07.2009. godine sa prilogom Grafikona, audio zapisa, transkripata audio zapisa te pratećeg DVD-a sa navednim sadržajem u elektronskom formatu; Analiza i objašnjenje grafičkog prikaza veza novčanih transakcija uz priloge Grafičkih prikaza za Admiru Mustafagić, Milorada Zoranovića, Ameti Mesura, Sanelu Huseinbašić, Fahretu Curkić, Neska Rahmanovića i Radišu Nešića; Novčane transakcije za osobu Admiru Mustafagić uključujući Akt Raiffeisen BANK broj: 2543/09-2/4 od 08.06.2009. godine te Akt Tenfore d.o.o. Sarajevo broj: BL 09-128 od 05.06.2009. godine kao i popratni CD-ovi te Grafički prikaz ovih transakcija; Akt Raiffeisen Banke broj: 3616/09-2/04 od 27.08.2009. godine sa prilogom CD na kojem se nalaze podaci o korisnicima Western Union sistema – Miralem Mustafagić i dr.; Akt Tenfore d.o.o. broj: BL 09-195 od 27.08.2009. godine sa CD-om u prilogu; Potvrde o privremenom oduzimanju predmeta MUP-a TK, Sektor kriminalističke policije Tuzla, broj:08-02/3-2-04.3-3462/09 od 15.07.2009. godine na ime Miralem Mustafagić; Analiza pretresa kod Miralema i Admiru Mustafagić, broj: 18-08-2-04-566/09 od 15.09.2009; Potvrde o privremenom oduzimanju predmeta od Milorada Zoranovića, broj: 18-12-4-34-34/09-1 i 18-12-4-34-34/09-2 od 15.07.2009.godine; Potvrda o privremenom oduzimanju predmeta od Milorada Zoranovića, broj: 18-12-4-35-35/09 od 15.07.2009.godine; Zapisnik o pretresanju na ime Milorad Zoranović, broj: 18-12-4-04-786/09 od 15.07.2009. godine sa pripadajućom fotodokumentacijom; Zapisnik o pretresanju stana i drugih prostorija, broj: 08-02/3-2-04.3-3462/09 i broj: 08-02/3-2-04.3-3462/09a od 15.07.2009.g, na ime Dževad Huseinbašić; Potvrda o privremenom oduzimanju predmeta Sektora kriminalističke policije Tuzla broj: 08-02/3-2-04.3-43/09 i 08-02/3-2-04.3-45/09 od 15.07.2009. godine na ime Sanela Huseinbašić; Fotodokumentacija izvršenog pretresa stana, drugih prostorija i pokretnih stvari koje koriste Sanela i Dževad Huseinbašić broj: 08-02/3-5-04.6-3462/09 od 16.07.2009. godine; Analiza pretresa kod Dževada i Sanele Huseinbašić, broj: 18-08-2-04-566/09 od 15.09.2009; Potvrda o oduzetim predmetima Granične Policije BiH, broj: 18-12-4-37-37/09 od 15.07.2009. godine na ime Mato Anđić; Potvrda o privremenom oduzimanju

predmeta GP-a BiH, broj: 18-12-4-38-38/09 od 15.07.2009. godine na ime Damir Marošević; Zapisnik o pretresanju kuće i drugih prostorija Olge i Gorana Popovića broj: 18-08-2-566/09-2 i broj: 18-08-2-566/09-3 od 15.07.2009.godine; Potvrde o privremenom oduzimanju predmeta broj 18-08-2-04-16/09, 18-08-2-04-17/09, 18-08-2-04-18/09 od 15.07.2009. godine na ime Olga Popović; Potvrda o oduzimanju predmeta broj: 18-08-02-4-15/09 od 15.07.2009. godine na ime Darko Popović; Potvrda o privremenom oduzimanju predmeta GP-a, broj: 18-12-4-36-36/09 od 15.07.2009. godine na ime Josip Vorgić; Potvrda o privremenom oduzimanju predmeta Sektora kriminalističke policije Tuzla, broj: 08-02/3-1-04.3-3462/09 od 15.07.2009.g., na ime Sulejman Vehabović; Zapisnik o pretresanju stana Sulejmana Vehabovića broj: 08-02/3-1-04.3-3462/09 od 15.07.2009. godine sa fotodokumentacijom u prilogu; Potvrda Sektora kriminalističke policije Tuzla, broj: 08-02/3-1-04.3-3462-1/09 na ime Sulejman Vehabović; Potvrda o privremenom oduzimanju predmeta broj 05-1/08-2-185/09 od 28.12.2009. godine na ime Ameti Mesur; Potvrda o privremenom oduzimanju predmeta broj 18-08-02-4-23/09 od 28.12.2009. godine na ime Nesko Rahmanović; Potvrda o privremenom oduzimanju predmeta broj 05-1/08-2-186/09 od 28.12.2009. godine na ime Fahreta Curkić; Akt Republike Slovenije – Molba za pružanje pravne pomoći, broj: III Kpr 224/2009 od 08.01.2010. godine; Akt Okružnog javnog tužilaštva Republike Srbije – Specijalnog tužilaštva broj: KZ.S.12/09 od 04.12.2009. godine; Akt MUP-a Republike Srbije od 03.08.2009. godine (e-mail); Izvod iz kaznene evidencije MUP-a TK – Sektor kriminalističke policije, broj: 08-02/3-4-043-484/09 od 21.09.2009; Izvod iz kaznene evidencije broj: 08-02/8-1-04.7.2-204/08 od 11.04.2008. godine; Izvod iz kaznene evidencije MUP-a TK, broj: 08-02/2-4.P-04.7-4025/09 od 18.08.2009. godine; Izvod iz kaznene evidencije Centra javne bezbjednosti Doboj – PS Doboj, broj: 09-4-04-234-71/09 od 13.08.2009. godine; Izvod iz kaznene evidencije Državne agencije za istrage i zaštitu, Regionalna kancelarija Tuzla, broj: 08-02/3-4-71 od 21.01.2009. godine (fax); Akti Interpolu Sarajevo broj: 16-4-04-8-IP-I-OK-3816/09-17 od 10.08., 31.08. i 04.09.2009. godine (e-mail).

Sud je na kraju stekao uvjerenje da optuženi razumiju da se navedenim sporazumima o uvjetima priznanja krivnje odriču od prava na suđenje i da ne mogu uložiti žalbu na krivičnopravne sankcije i mjere koje im se mogu izreći prema zaključenim sporazumima.

Sud je nakon saslušanja stranaka i branioca prihvatio predmetne sporazume o uslovima priznanja krivnje optuženih, te je nastavljeno sa pretresom radi izricanja krivičnih-pravnih sankcija i mjera optuženima, kao i drugih odluka Suda u vezi sa usvojenim označenim sporazumima.

Na održanom i provedenom pretresu za izricanje krivično-pravne sankcije optuženima tužitelj, optuženi i njihovi branitelji su saglasno predložili da se optuženima izreknu krivično-pravne sankcije predložene zaključenim sporazumima.

Zaključak da su optuženi počinili krivično djelo koje im se stavlja na teret i za koje su oglašeni odgovornim u izreci ove presude, Sud zasniva na temelju ocjene provedenih dokaza, prihvatajući izjave optuženih kojima su priznali u cjelosti djelo koje im se stavlja na teret optužnicom, te dovodeći priznanje optuženih u vezu sa provedenim dokazima, koje sve dokaze je Sud ocijenio i prihvatio kao istinite, objektivne i nesporne, pa je utvrđeno da su opisanim radnjama optuženi ostvarili sva bitna obilježja krivičnog djela koje im se stavlja na teret, nalazeći da su optuženi kritičnih prilika postupali u uračunljivom stanju i sa umišljajem, odnosno sa sviješću i voljom da ostvare zabranjene posljedice, zbog čega je Sud optužene oglasio krivim za krivično djelo iz izreke ove presude.

Sud je primjenom odredbi članova 39, 42. i 48. tačka b) KZ BiH, te primjenom pravila o ublažavanju kazne iz člana 49. i člana 50. stav 1. tačka d) KZ BiH, optuženima Vorgić Josipu i Marošević Damiru za predmetno krivično djelo izrekao kaznu zatvora u trajanju od po 3 mjeseca, a što je u skladu i sa sporazumom postignutim između Tužilaštva i optuženih.

Naime, iako je odredbama člana 250. stav 4. KZ BiH, kojom se terete navedeni optuženi, predviđena kazna zatvora u trajanju od najmanje jedne godine, a prema članu 189. stav 1. KZ BiH kazna zatvora od jedne do deset godina, Sud je cijeneći okolnosti slučaja, utvrdio da postoje osobito olakšavajuće okolnosti koje ukazuju da će se u konkretnom slučaju postići svrha kažnjavanja odmjerenjem kazne ispod granice propisane zakonom za optužene Vorgić Josipa i Marošević Damira.

Od olakšavajućih okolnosti na strani optuženih Sud je cijenio da su optuženi priznali izvršenje predmetnog krivičnog djela, izrazili svoje kajanje, cijeneći posebno pri tome socijalne i porodične prilike optuženog Vorgić Tome, koji je nezaposleni, i otac jednog malodobnog djeteta, što u svojoj ukupnosti predstavlja osobito olakšavajuće okolnosti, koje primjenom odredbe člana 50. stav 1. tačka d) KZ BiH opravdavaju ublažavanje kazne ispod posebnog zakonskog minimuma. Stoga su izrečene i navedene kazne zatvora adekvatne za postizanje svrhe kažnjavanja predviđene članom 39. KZ BiH.

Optuženima Vorgić Tomi, Ameti Mesuru, Curkić Fahreti, Rahmanović Nesku i Andić Mati, Sud je primjenom odredbi 58. i 59., u vezi sa odredbama članova 39, 42. i 48. KZ BiH, izrekao uvjetnu osudu, i to sa rokom provjere od po 3 (tri) godine, sa zapriječenom kaznom zatvora za Vorgić Tomu, Ameti Mesura, Rahmanović Naska i Andić Matu u trajanju od po 8 (osam) mjeseci, a za Curkić Fahretu u trajanju od 6 (šest) mjeseci.

Odluku u pogledu krivično pravnih sankcija Sud je donio cijeneći da su izrečene kazne srazmjerne težini počinjenog krivičnog djela i stepenu krivične odgovornosti svakog od optuženih pojedinačno, te cijeneći da će se na taj način ostvariti svrha krivičnopravne sankcije, izraziti društvena osuda učinjenog krivičnog djela, uticati na učitelje da ubuduće ne čine krivična djela i svakako uticati na ostale da ne čine krivična djela, kao i svrha uvjetne osude kao mjere upozorenja, prema učinocima kojima je izrečena ova krivično pravna sankcija.

Primjenom odredbe člana 74. KZ BiH, kojom je propisano da će se predmeti, koji su upotrijebljeni ili su bili namijenjeni za izvršenje krivičnog djela, oduzeti kada postoji opasnost da će biti ponovo upotrijebljeni za izvršenje krivičnog djela, to je Sud od optuženih oduzeo predmete taksativno pobrojane u potvrdama o privremenom oduzimanju predmeta, i to od optuženog Vorgić Josipa predmete prema Potvrdi o privremenom oduzimanju predmeta broj: 17-12-4-36-36/09 od 15.07.2009.godine, od optuženog Marošević Damira predmete prema Potvrdi o privremenom oduzimanju predmeta broj: 18-12-4-38-38/09-od 15.07.2009.godine, od Ameti Mesura predmete prema Potvrdi o privremenom oduzimanju predmeta broj: 05-1/08-2-185/09 od 28.12.2009.godine, od Curkić Fahrete predmete prema Potvrdi o privremenom oduzimanju predmeta broj: 05-1/08-2-186/09 od 28.12.2009.godine, od Rahmanović Naska predmete prema Potvrdi o privremenom oduzimanju predmeta broj: 18-08-02-4-23/09 od 28.12.2009.godine i od Andić Mate predmete prema Potvrdi o privremenom oduzimanju predmeta broj: 18-12-4-37-37/09 od 15.07.2009.godine, kao predmete koji su upotrijebljeni prilikom učinjenja krivičnog djela.

U skladu sa odredbom člana 188. stav 1. ZKP BiH, Sud BiH je optužene Vorgić Josipa, Vorgić Tomu, Marošević Damira, Ameti Mesura, Curkić Fahretu, Rahmanović Neska i Anđić Matu obavezao da naknade troškove krivičnog postupka, u iznosu od po 100,00 KM (stotinu konvertibilnih maraka), na ime sudskog paušala i to u roku od 15 (petnaest) dana od dana pravosnažnosti presude, pod prijetnjom prinudnog izvršenja, cijeneći da navedeni iznos neće ugroziti egzistenciju optuženih.

ZAPISNIČAR

Pravni savjetnik-asistent

Mirela Gadžo

SUDIJA

Huskić Amela

POUKA O PRAVNOM LIJEKU: Protiv ove presude dozvoljena je žalba vijeću Apelacionog odjeljenja Suda u roku od 15 dana od dana prijema iste. Obzirom da je presuda donesena na osnovu sporazuma o priznanju krivnje, žalba na krivičnopravnu sankciju nije dozvoljena.